



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Chronicon Cisterciensis Ordinis**

**Le Mire, Aubert**

**Coloniae Agrippinae, 1614**

Nomina Patrum Residentium in Concilio Trecensi.

**urn:nbn:de:hbz:466:1-11259**

nis capituli vnanimiter commendauimus. Sanè autem prorsus licet nostri dictaminis auctoritate, permaximus numerus religionum Patrum, qui in illo concilio diuina ammonitione conuenerunt, commendat, non debemus silenter transire, quibus uidentibus & veras sententias proferentibus, ego *Ioannes Michaelensis* presentis paginae, iussu Concilij, ac venerabilis \* Abbatis *Clareuallensis*, cui creditum ac debitum hoc erat, humilis scriba esse diuinam gratiam metui.

\* S. Bernardū intellige.

NOMINA PATRVM RESIDENTIUM in Concilio Trecenti.

PRIMVS quidem resedit *Matthæus*, Albanensis Episcopus, Dei gratiam S.R.E. Legatus: Deinde *Ranaldus*, Archiepiscopus Remensis: Tertius *Henricus*, Archiepiscopus Senonensis. De hinc Coepiscopi eorum, *Ranaldus* Carnotensis Episcopus, *Goffenus* Suefionum Episcopus; Episcopus Parisiensis; Episcopus Trecentis; Præsul Aurelianensis; Episcopus Antisdorensis; Episcopus Meldensis; Episcopus Latalaunensis; Episcopus Laudunensis; Episcopus Beluaensis; Abbas Vezelacensis, qui non multo post factus est Lugdunensis Archiepiscopus, ac S.R.E. Legatus. Abbas Cisterciensis; Abbas Pontiniacensis; Abbas trium fontium; Abbas S. Dionysij de Remis;

Huius Concilij meminit Tyrius li 12. hist. belli sacri cap. 7.

mis; Abbas S. Stephani de Diuione; Abbas  
 Molef. suprâ nominatus Abbas, Bernard.  
 Clareuallensis non defuit, cuius sententiam  
 præscripti liberâ voce collaudabant. Fue-  
 runt aut & Magister Albericus Remésis, &  
 Magister Fulgerius, ac complures alij, quos  
 longum esset enumerare. Ceterum verò de  
 nō litteratis idoneum nobis videtur, vt te-  
 stes, amatores veritatis adducantur in me-  
 dium: Comes Theobandus, Comesq; Ni-  
 uernensis, ac Andreas de Bandionento, in-  
 tentissima cura quod erat optimū scrutan-  
 tes; quod eis videbatur absurdū, emperan-  
 tes, in Concilio sic assiscebant. Ipse verò  
 Magister militiæ, Hugo nomine, reuerà nō  
 defuit, & quosdā de fratribus suis secū ha-  
 buit, verbi gratia: F. Godefridū, F. Roral-  
 lum, F. Gaufridum Bisol. F. Paganum de  
 monte Desiderij. Archembaudum de San-  
 cto Amano. Iste verò Magister Hugo cum  
 istis discipulis modum & obseruatiā ex-  
 iguæ inchoationis sui militaris Ordinis,  
 qui ab illo, qui dicit: Ego principium, qui  
 & loquor vobis; sumpsit exordium, iuxta  
 memoriæ suæ notitiā supranominatis  
 Patribus intimauit. Placuit itaq; Concilio,  
 vt consilium, ibi limâ & consideratione  
 diuinarum scripturarum diligēter exami-  
 natum, tamen cum prouidentia Papæ Ro-  
 manorum, ac Patriarchæ Hierosolymita-  
 rum,

rum, nec non etiam assensu Capituli pauperum commilitonum Templi, quod est in Ierusalem, scripto commendaretur, ne obliuioni traderetur, & inenodabiliter serua-  
retur, vt recto cursu ad suum conditorem, cuius dulcedo tam mel superat, vt ei comparatum velut absynthium sit amarissimum, peruenire dignè mereatur: præstante, cui militant, & militare queant, per infinita sæculorum sæcula, Amen.

INCIPIT REGVLA PAUPERVM COMMILITONVM  
Sanctæ ciuitatis.

QUALITER DIVINVM OFFICIUM  
*audiant.*

**V**OS quidem, proprijs voluntatibus abrenunciantes; atque alij, pro animarum salute vobiscum ad terminū cum equis & armis summo Regi militātes, Matutinas, & omne seruitium integrum secundū canonicam institutionē, ac regulariū doctorum sanctæ ciuitatis consuetudinem pio ac puro affectu audire vniuersaliter studeatis. Idcirco vobis, venerabiles, Fratres maximè debetur, quia præsentis vitæ luce despecta, contemptoq; vestrorū corporum cruciātu, fauientem mundum  
pro